

Акафист святителю Луке, архиепископу Крымскому, исповеднику.

Кондак 1

Избранный святителю Църкве Православныя и исповѣднице, возсиявый странѣ нашей, яко светозърное светило, добре потрудивыйся и за имя Христово гонѣние претерпѣвый, прославляюще прославльшаго тя Господа, даровавшаго нам тебе новаго молитвенника и помощника, похвальное воспеваем ти пѣние; ты же, яко имей велие дерзновение ко Владыце Небесѣ и земли, от всяких недугов душевных и телесных свободи нас и добре стояти во Православии укрепи, да вси во умилѣнии зовѣм ти: Радуйся, святителю и исповѣднице Луко, врачу благий и милостивый.

Икос 1

Ангелов собесѣднице и человеков наставнице, Луко преславный, подобне евангелисту и апостолу Луце, емуже тезоименит сый, от Бога дар целити недуги человеческия приял еси, многия труды подъемля во врачевании болезней ближних, плоть нося, о плоти нерадел еси, дѣлы же добрыми Отца Небеснаго прославил еси. Темже благодарне во умилѣнии зовѣм ти:

Радуйся, от юности разум свой игу Христову покоривый;

радуйся, пречестное Святыя Троицы селѣние бывый.

Радуйся, блаженство милостивых, по слову Господа, унаследовавый;

радуйся, верою Христовою и знанием богодарованным многия недужныя исцеливый.

Радуйся, страждущих недуги телесными врачу милосердный;

радуйся, во дни брани вождѣй и воинов целителю искусный.

Радуйся, всех врачей наставнице;

радуйся, скорый в нуждах и скорбех сущим помощнице.

Радуйся, Църкве Православныя утверждение;

радуйся, земли наша озарѣние.

Радуйся, крымскія паствы похвалѣние;

радуйся, града Симферополя украшение.

Радуйся, святителю и исповѣднице Луко, врачу благий и милостивый.

Кондак 2

Видя в человецех во время врачеваний, аки в зеркале, премудрость и славу Творца всяческих Бога, к Нему духом всегда возносился еси,

богомудре; светом же богоразумия твоего и нас озари, да вопием купно с тобою: Аллилуиа.

Икос 2

Разум твой Божественными учёными просветил еси, Луко всеславне, отвергнув всякое плотское мудрование, с разумом же и волю повинул еси Господеви, подобен апостолом быв. Тии бо по слову Христову: «Грядите по Мне, и сотворю вы ловцы человеком», — оставиша вся и по Нем идоша, и ты, святе, услышав Господа Иисуса, зовущаго тя на служение, приёмлещи священство в Церкви Православней. Сего ради, яко богомудраго наставника тя ублажающе, воспеваем сице:

Радуйся, о души причесное попечение показавый;

радуйся, Ангела Хранителя твоего возвеселивый.

Радуйся, во учении преспевавый и мудрецы мира сего удививый;

радуйся, от творящих беззаконие стопы твои уклонивый.

Радуйся, Божия Премудрости проповедниче и созерцателю;

радуйся, истиннаго богословия златословесный учителю.

Радуйся, апостольских преданий блюстителю;

радуйся, Православия ревнителю.

Радуйся, звездо, путь ко спасению показующая;

радуйся, свеще, Богом возжженная, мрак нечестия разгоняющая.

Радуйся, раскольников обличивый;

радуйся, свидений и оправданий Господних возгладавый.

Радуйся, святителю и исповедниче Луко, врачу благий и милостивый.

Кондак 3

Силою благодати Божия, ещё во временней жизни приял еси дар, святе Луко, недуги целити, да вси, усердно притекающие к тебе, исцеления болезней телесных и наипаче душевных сподобляются, вопиюще Богу: Аллилуиа.

Икос 3

Имея неусыпное попечение о спасении душ, вверенных тебе от Бога, Луко блаженне, пастьерски к душеспасительной жизни и словом, и самым делом непрестанно их наставлял еси. Сего ради прими от нашего усердия похвалы, достойно тебе приносимыя:

Радуйся, разума Божественнаго исполненный;

радуйся, благодатию Духа Святаго приосененный.

Ра́дуйся, нището́ю Христо́вою обогати́выйся;
ра́дуйся, щите́, защища́яй благоче́стие.
Ра́дуйся, па́стырю до́брых, блужда́ющих по го́рам суемуд́рия
взыска́вый;
ра́дуйся, де́лателью виногра́да Христо́ва, ча́д Бо́жиих в ве́ре
укрепля́яй.
Ра́дуйся, непоколеби́мый Правосла́вия сто́лпе;
ра́дуйся, твёрдый ка́меню ве́ры.
Ра́дуйся, душепа́губнаго неве́рия и обновле́нческаго раско́ла
обличите́лю;
ра́дуйся, в де́лании духо́внем подвиза́ющихся му́дрый укрепите́лю.
Ра́дуйся, от ми́ра гони́мым приста́нище ти́хое указу́яй;
ра́дуйся, я́ко прии́м крест, Христу́ последовал еси́.
Ра́дуйся, святите́лю и испове́днице Луко́, врачу́ благи́й и
ми́лостивый.

Кондак 4

Бу́рю внут́рь име́я помышле́ний мно́гих, недоумева́ше раб Бо́жий,
что рече́т о нем Госпо́дь, егда́ проразумева́ху его́ досто́йна бы́ти
еписко́пом гра́ду Ташке́нту, оба́че всего́ себе́ Христу́ Бо́гу преда́в,
Тому́ о всем благодарё́ние возсыла́ше, зовы́й: «Благослове́н Бог,
излива́яй благода́ть Свою́ на архиере́и Сво́я», — и по́я Ему́: Аллилу́иа.

Икос 4

Слы́шавше лю́дие правосла́внии, в гоне́нии су́щии, о
благопло́дных добро́тах ду́ши твое́я, богонóсе Луко́, и ви́девше тя на
степёни святите́льства, я́ко досто́йный сосу́д Божество́вныя благода́ти,
вся немо́щная врачу́ющая и оскудева́ющая восполня́ющая, дивля́хуся
чу́дному промы́слению Бо́жию о тебе́ и приноша́ху ти благохвале́ния
сицевая́:

Ра́дуйся, архиере́ю, от Са́маго Го́спода прона́реченный;
ра́дуйся, о надписа́нии са́на еписко́пскаго на кни́зе твое́й
предуказа́ние мы́сленное прие́мый.
Ра́дуйся, иера́рхов изря́дное украше́ние;
ра́дуйся, па́стырю, ду́шу за о́вцы Христо́вы положи́ти гото́вый.
Ра́дуйся, многосве́тлый Це́ркве свети́льниче;
ра́дуйся, апо́столов соприча́стниче.
Ра́дуйся, испове́дников удобре́ние;
ра́дуйся, вся́кое о себе́ отве́ргнувший попече́ние.
Ра́дуйся, скорбе́й утолите́лю;

ра́дуйся, о людских невежествиих печальниче.

Ра́дуйся, искавших спасения правым учением оглашавый;

ра́дуйся, житием твоим сего учения не посрамивый.

Ра́дуйся, святителю и исповедниче Лукó, врачу́ благий и милостивый.

Кондак 5

Боготóчною Крóвию Христо́вою от вéчных смéрти искуплénныя желая́ соблюсти́, сан епископский во дни стра́шных гонéний от рук архиереев православных прия́л еси́, святителю Лукó, и де́ло благовéстника дóбре сотвори́л еси́, обличая́, запреща́я, умоля́я со всяким долготерпéнием и учéнием и по́я Бо́гу: Аллилу́иа.

Икос 5

Ви́девше Ангельстии чино́ве вели́кия по́двиги твоя́ удиви́шася, егда́ по за́поведи Господней: «Блаже́ни изгна́ни пра́вды ради́, я́ко тех есть Ца́рствие Небе́сное», — в крéпости сердéчной безро́отно понéсл еси́ заточéние и изгна́ние за и́мя Го́спода и Святу́ю Це́рковь Христо́ву, терпéнием вéлиим устроя́я спасéние свое́, примером же своим вёрных ду́ши назидая́. Мы же тя, усéрдно любóвию почита́юще, чéствуем похвала́ми сими́:

Ра́дуйся, свети́льниче, на све́щнице церкóвнем поставлénный;

ра́дуйся, подви́жниче, о́браз любве́ долготерпя́щия явívый.

Ра́дуйся, защи́ати тя вёрным воспретívый;

ра́дуйся, в руки мучителей за веру смире́нно но́щию преда́выйся.

Ра́дуйся, посóбниками неправедных судéй уничижénный;

ра́дуйся, в заточéние со смире́нием безро́отно шéдый.

Ра́дуйся, пра́вды ради́ с па́ствою твое́ю Ташкэ́нтскою разлучéние претерпéвый;

ра́дуйся, я́ко вёрнии о разлучéнии с тобо́ю рыда́ху.

Ра́дуйся, за Го́спода распя́того изъязвлénный и заушénный;

ра́дуйся, лживая уста́ безбо́жных заградívый.

Ра́дуйся, пра́ведными усты́ твоими небе́сныя и́стины и во изгна́нии веща́вый;

ра́дуйся, я́ко мученицы́ на Небесéх о терпéнии твоём ликовствова́ху.

Ра́дуйся, святителю и исповедниче Лукó, врачу́ благий и милостивый.

Кондак 6

Проповѣдник немолчнѣй тайны Пресвятыя, Единосущныя и Нераздельныя Троицы был еси и в темнице, и во градех изгнания сибирскаго, терпя глад, мраз страны северныя и жестокость клеветов безбожных. Сего ради проповѣдует Церковь Крымская величия Божия, явленная на тебе, святителю Луко. Мы же едином сердцем и едиными усты воспеваем Богу: Аллилуиа.

Икос 6

Возсиял еси, яко звезда лучезарная, красноярской пастве и тамбовской, озаряя души верных и разгоняя тьму нечестия и безбожия. И исполнишася на тебе слова Христовы: «Блажени есте, егда поносят вам, и ижденут, и рекут всяк зол глагол на вы, лжуще, Мене ради». Ты бо, гонимый из града во град и клеветы терпевый, архипастырское служение усердне исполнял еси и сладостию писаний твоих вся алчущия и жаждущия правды насыщал еси, иже благодарне взывают тебе:

Радуйся, наставниче, всех к Небеси путеводяй;
радуйся, о славе Божией искренно ревновавый.
Радуйся, воине Христов непобедимый;
радуйся, за Христа Господа темницы и биения терпевый.
Радуйся, смирения Его истинный подражателю;
радуйся, вместилище Духа Святаго.
Радуйся, вшедый с мудрыми в радость Господа твоего;
радуйся, корыстолюбия обличителю.
Радуйся, пагубу тщеславия показавый;
радуйся, беззаконники ко обращению призывавый.
Радуйся, тобою бо Христос прославился;
радуйся, тобою бо сатана посрамился.

Радуйся, святителю и исповѣдниче Луко, врачу благий и милостивый.

Кондак 7

Хотя достойно совершити подвиг, от Бога ти уготованный, облеклся еси во вся оружия Божия и стал еси на брань противу миродержителей тьмы века сего, духов злобы поднебесных, препоясав чресла своя Истиною и одеявся в броню правды, угасил еси, исповѣдниче Луко, вся стрелы лукаваго, поя Содетелю и Богу: Аллилуиа.

Икос 7

Но́вое гонѣние воздвиго́ша беззако́ннии и безбо́жнии челове́цы на Це́рковь Правосла́вную и во глубинѹ да́льня таёжныя страны́ изгна́ша тя, святи́телю Луко́, и близ сме́рти быв, руко́ю же Бо́жиею сохра́нен, взыва́л еси́ со апо́столом Па́влом: «До ны́нешняго часа́ и а́лчем, и жа́ждем, и наготу́ем, и стра́ждем, и скита́емся. Гоними́, терпи́м; я́коже отрѣ́бие ми́ру бы́хом, всем попра́ние доселе́». Сего́ ра́ди, ве́дуще о тебѣ тако́вая, убла́жаем тя:

Ра́дуйся, испове́днице Христо́в блаже́нный;
ра́дуйся, мраз лю́тый и глад во изгна́нии претерпе́вый.
Ра́дуйся, близ сме́рти бы́вый, Го́сподом же сохра́ненный;
ра́дуйся, самоотверже́ние всеце́лое показáвый.
Ра́дуйся, уневе́стивый ду́шу твою́ Жениху́ Христу́;
ра́дуйся, Го́спода, распя́того на Кресте́, при́сно пред собо́ю предзре́вый.

Ра́дуйся, во бде́ниях и моли́твах неосла́бно пребы́вый;
ра́дуйся, Единосу́щныя Тро́ицы и́стинный ревни́телю. (Правка «искренний ревни́телю» отклонена, т.к. искренность не обязательно подразумевает истинность).

Ра́дуйся, вся́кия боле́зни ско́рый и безме́здный врачу́;
ра́дуйся, от неисце́льных гно́йных боле́зней и ран стра́ждущия здра́вы возста́вивый.

Ра́дуйся, я́ко ве́рою твоёю рассла́бленнии исцеле́ша.
Ра́дуйся, я́ко труды тво́ими враче́бными исцелѣ́нии к ве́ре приведе́ни бы́ша.

Ра́дуйся, святи́телю и испове́днице Луко́, врачу́ благо́й и ми́лостивый.

Кондак 8

Стра́нник во юдо́ли земне́й быв, терпе́ния, воздержáния и чистоты́ о́браз показáл еси́, испове́днице Луко́. Егда́ Оте́чество в беде́ от нашѣ́ствия инопле́мнник пребы́ваше, любо́вь ева́нгельскую явля́я, денно́щно во враче́бнице труди́лся еси́, исцеля́я недуги́ и ра́ны вожде́й и во́инов Оте́чества земна́го, непамятозло́бием и любо́вию удивля́я всех творя́щих ти напа́сти, и мно́гия сим обрати́л еси́ ко Христу́, во е́же пе́ти Ему: Аллилу́иа.

Икос 8

Весь испо́льн любве́ Христо́вы, Луко́ благосе́рде, ду́шу твою́ полага́л еси́ за дру́ги тво́я, и я́ко А́нгел Хра́нитель был еси́ бли́жним и да́льным, злотворя́щия укро́щая, вражду́ющия примиря́я и спасѣ́ние

всем устрояя. Поминающе труды твои во благо людей Отечества твоего, благодарне взываем ти:

Радуйся, дивную любовь ко Отечеству земному показавый;
радуйся, смирения и незлобия учителю.

Радуйся, изгнание и жестокия муки мужественно претерпевый;
радуйся, за Христа страдавый и мучим бывый.

Радуйся, твердо Его исповедавый;
радуйся, злобу врагов любовью Христовою победивый.

Радуйся, отче благосердый, спасения многих зыскавый;
радуйся, великими скорбями искушенный.

Радуйся, в гонениях терпение дивное явивый;
радуйся, яко за враги Господеви молился еси.

Радуйся, яко любовь твоя всяку вражду победи;
радуйся, яко незлобие твое сердца жестокая покорит.

Радуйся, святителю и исповедниче Лукó, врачу благий и милостивый.

Кондак 9

Всем был еси вся, якоже и святыи Павел, дабы спасти хотя бы некоторых, святителю Лукó, архипастырский подвиг совершая, в Тамбовском крае многими труды храмы обновляя и созидая, уставы святоотеческия строго соблюдая, спасению паствы твоея служити не преставае еси, чисто Богу поя: Аллилуиа.

Икос 9

Ветии человечести не возмогут по достоянию изрещи твоих благодеяний множество, егда явися на Крымской земли, яко отец чадолюбивый, святителю отче Лукó: щедродательная бо десница твоя всюду досязаше. Мы же, благосердию твоему подражати хотяще, во удивлении взываем к тебе:

Радуйся, луче любви Божия;
радуйся, сокровище милосердия Спасова неистощимое.

Радуйся, яко вся своя неимущим раздавал еси;
радуйся, ближния твоя паче себе возлюбивый.

Радуйся, страждущих сирот питателю и окормителю;
радуйся, беспомощных старцев и старих попечителю.

Радуйся, яко болящия и в темнице заключенныя посещал еси;

радуйся, яко нужды бедных во многих местах Отечества своего предварял еси.

Радуйся, яко нищия милуя, трапезы им устраивал еси;

ра́дуйся, яко о глубинé милосéрдия твоего́ Мати́ Бо́жия
возра́довася.

Ра́дуйся, А́нгеле земный и челове́че небéсный;
ра́дуйся, яко коему́ждо в го́рестех, áки А́нгел утéшитель явля́лся
еси́.

Ра́дуйся, святителю́ и исповéднице Луко́, врачу́ благий и
милостивый.

Кондак 10

Спасéнию крýмския па́стывы твоея́ служи́ти многоле́тне не
престава́я, по о́бразу Пастыренача́льника Христа́, на ра́мена
заблúдшия взем, Небéсному Отцу́ привёл еси́, наде́жду бо на
Бо́жие милосéрдие утеша́я, ко исправле́нию жития́ словесы́
учите́льными твоими́ влекл еси́ вся, во е́же се́рдцем чи́стым пéти Бо́гу:
Аллилу́иа.

Икос 10

Царя́ Небéснаго Христа́ Бо́га ве́рный служи́тель быв, святителю́
о́тче Луко́, неуста́нно возвещал еси́ сло́во Исти́ны во всех хра́мах
земли́ Таври́ческаго, душеспаси́тельною пи́щею уче́ния ева́нгельскаго
ве́рная ча́да пита́я и уста́в церко́вный стро́го исполня́ти повелева́я.
Те́мже ты, яко па́стыря до́браго, просла́вляем си́це:

Ра́дуйся, неутомимый проповéднице ева́нгельския пра́вды;
ра́дуйся, яко Бо́гом вруче́нное тебе́ ста́до словéсное до́бре упасл
еси́.

Ра́дуйся, о́вцы своя́ от душепа́губных волко́в охраня́вший;
ра́дуйся, чи́на церко́внаго стро́гий блюсти́телю.
Ра́дуйся, чистоты́ ве́ры правосла́вныя охранителю́;
ра́дуйся, тобою́ бо Дух Святы́й написа́ словеса́ спаси́тельная.
Ра́дуйся, мудреце́м ве́ка сего́ бытие́ Бо́жие проповéдавый;
ра́дуйся, яко сло́во твое́, áки в ризы́ позлаще́ны, в та́йны ве́ры
оде́яся.

Ра́дуйся, мо́лние, горды́ню низлага́ющая;
ра́дуйся, гро́ме, беззако́нно живу́щия устраша́й.
Ра́дуйся, церко́внаго благоче́стия насадителю́;
ра́дуйся, архи́па́стырю, па́стыри́ духо́вныя наставля́й и
вразумля́й непреста́нно.

Ра́дуйся, святителю́ и исповéднице Луко́, врачу́ благий и
милостивый.

Кондак 11

Пѣние у гроба твоего, угодниче Божий, не умолкаше во днех блаженнаго успения твоего. Мнози бо, ведуще тя богоносна и равноангельна, собрашася от всех предел земнаго Отечества твоего совершити моление соборное о души твоей, в горния обители Отечества Небеснаго восходящей, воспевающе Богу: Аллилуиа.

Икос 11

Свещею, в Церкви Христовей горящею светом невещественным благодати Божия, был еси, святителю Луко, вся концы земли наша озаряя. Поминающе блаженное успение и велие твое на Небеси и на земли прославление, с радостью приносим ти благохваления сия:

Радуйся, светильниче немеркнувший Света Невечерняго;
радуйся, яко мнози прославиша твоих ради добрых дел Отца Небеснаго.

Радуйся, угодниче Божий, течение благочестне скончавый;
радуйся, веру, надежду и любовь от Господа стяжавый.
Радуйся, со Христом, Его же возлюбил еси, на веки соединивыйся;
радуйся, Царствия Небеснаго и славы вечныя наследниче.
Радуйся, яко свет добрых дел твоих пред человеки просветися;
радуйся, многих научивый заповедем Христовым и сотворивый я.
Радуйся, архиерею, от Вечнаго Архиерея Христа благодатными дары исполненный;
радуйся, скорый помощниче призывающим тя.
Радуйся, земли Крымския новое светило и утверждение;
радуйся, рода христианскаго благодатный покровителю.
Радуйся, святителю и исповедниче Луко, врачу благий и милостивый.

Кондак 12

Благодать, свыше ти данную, познавше, благоговейно лобызаем честный образ твой, святителю Луко, чающе тобою прияти просимое от Бога. Темже припадающе ко святей иконе твоей (аще же пред мощми глаголеши: ко святым мощем твоим), со умилением молим тя: укрепи нас добре стояти в вере православней, и угождающе благими делы, немолчно пети Богу: Аллилуиа.

Икос 12

Поюще Бога, дивнаго во святых Своих, хвалим тя, Христова исповедника, святителя и предстателя пред Господем. Весь бо еси в

вы́шних, но и ни́жних не оставя́еши, святи́телю о́тче Луко́, при́сно со Хри́стом ца́рствуеши и о нас, грёшных, пред Престо́лом Бо́жиим ходата́йствуеши. Сего́ ра́ди во умилёнии зове́м ти:

Ра́дуйся, све́та непристу́пнаго зрите́лю;
ра́дуйся, тебе́ бо сора́дуются А́нгели и о тебе́ веселя́тся челове́цы.
Ра́дуйся, де́лы и писа́ньми твои́ми неве́рующия просвеща́яй;
ра́дуйся, маловер́ныя и малоду́шныя укрепля́яй и утвержда́яй.
Ра́дуйся, я́ко досто́ин яви́лся еси́ Ца́рствия Небе́снаго;
ра́дуйся, путе́м испове́дничества ра́йских селёний дости́гнувый.
Ра́дуйся, поноше́ния Христа́ ра́ди терпе́вый и вёчную с Ним сла́ву прие́мый;
ра́дуйся, ду́ши на́ша к Ца́рствию Небе́сному путево́дяй.
Ра́дуйся, предста́телю пред Престо́лом Бо́жиим за нас, грёшных;
ра́дуйся, Правосла́вия похва́ло и земли́ на́шея ра́дование.
Ра́дуйся, в со́нме свята́х бы́ти сподо́бивыйся;
ра́дуйся, собо́ру всех Кры́мских свята́х соприча́стниче.
Ра́дуйся, святи́телю и испове́днице Луко́, врачу́ благи́й и ми́лостивый.

Кондак 13

О, вели́кий и пресла́вный уго́днице Бо́жий, святи́телю о́тче наш Луко́, приими́ си́е похва́льное пе́ние от нас, недосто́йных, с любо́вию сыно́внею тебе́ приноси́мое! Предста́тельством твои́м у Престо́ла Бо́жия и моли́твами твои́ми всех нас в ве́ре правосла́вней и до́брых де́лах утверди́, от вся́ких бед, скорбе́й, боле́зней и напа́стей, в сей жи́зни находя́щих, сохрани́, и от муче́ний в бу́дущем ве́це изба́ви и сподо́би в вёчной жи́зни ку́пно с тобо́ю и со все́ми свята́ми пе́ти Творцу́ на́шему: Аллилу́иа.

Молитва

О, всеблаже́нный испове́днице, святи́телю о́тче наш Луко́, вели́кий уго́днице Хри́стов! Со умилёнием прекло́ньше колёна серде́ц на́ших, моля́щеся пред свята́м о́бразом (а́ще же пред мощьми́ глаго́леши: и припада́юще к честны́м и многоцеле́бным моще́м) твои́м, я́коже ча́да о́тца, мо́лим тя всеу́сердно: услы́ши нас, грёшных, и принеси́ моли́тву на́шу к Ми́лостивому Человеколю́бцу Бо́гу, Ему́же ты ны́не в ра́дости свята́х и с ли́ки А́нгел предстои́ши. Ве́руем бо, я́ко люби́ши ны то́ю же любо́вию, ёю́же вся́ бли́жняя возлю́бил еси́, на земли́ пребыва́я.

Испроси́ у Христа́ Бо́га на́шего, да утверди́т во Святе́й Своёй Правосла́вней Це́ркви дух пра́выя ве́ры и благоче́стия, па́стырем ея́ да

даст ре́вность святу́ю и попече́ние о спасе́нии па́ствы, вве́ренныя им: пра́во ве́рующия соблюда́ти, сла́бых и немощны́я в ве́ре укрепля́ти, неве́дущия наставля́ти, противны́я облича́ти. Всем нам пода́й дар, коему́ждо благопотре́бен, и вся, я́же к жи́зни вре́менной и к ве́чному спасе́нию поле́зная: градо́в на́ших утвержде́ние, земли́ плодоно́сие, от гла́да и па́губы изба́вление, скорбя́щим утеше́ние, недугующим исцеле́ние, заблуж́дшим на путь и́стины возвраще́ние, роди́телем благослове́ние, ча́дом в стра́се Господнем воспита́ние и науче́ние, си́рым и убо́гим по́мощь и заступле́ние.

Пода́ждь всем нам твоё архипа́стырское свято́е благослове́ние, да тем осеня́еми, изба́вимся от ко́зней лука́ваго и избе́гнем всякия вражды́ и нестро́ений, ересей́ и раско́лов.

Да́руй нам по́прище жи́зни вре́менной богоуго́дно прейти́, наста́ви нас на путь, веду́щий в селения́ пра́ведных, изба́ви возду́шных мыта́рств и моли́ о нас Всеси́льнаго Бо́га, да в ве́чной жи́зни с тобо́ю непреста́нно сла́вим Отца́ и Сы́на и Свята́го Ду́ха, в Трои́це сла́вимаго Бо́га, Ему́же подоба́ет всякая сла́ва, честь и держа́ва во ве́ки веко́в. **АМИ́НЬ.**